

**MONG. MATAMELA CYRIL RAMAPHOSA MMOHO LE BAHLANKA BA LESEDI
BA NTABA NYONI ESTATE LE NTABA NYONI FEEDLOT BA FANA KA TUMELLO
YA HORE SARS E PHATLATSE POLELO E MABAPI LE MAEMO A BONA A
BOIKOBELO BA TEFO YA LEKGETHO**

Tshwane, 7 Tlhakubele 2023- Ka ho ela sedi thahasello e kgolo ya setjhaba mmoho le ngongoreho mabapi le merero ya lekgetho ya balefalekgetho bana e leng Mong. Matamela Cyril Ramaphosa, Ntaba Nyoni Estate le Ntaba Nyoni Feedlot, SARS e fumane tumello ya Balefalekgetho bana ho latela dintlha tsa karolo ya 69 (6) ya Molao wa Taolo ya Lekgetho wa nomoro ya 28 wa 2011 (TAA), ho phatlalatsa polelo ena setjhabeng. Ntle le tumello e hlakileng e ngotsweng ya Molefalekgetho le Bahlanka ba Lesedi ho latela dintlha tsa karolo ya 69(6) ya TAA, SARS e ka be e thibetswe ka molao ho ka etsa polelo ena. Tumello ya dikhampani e ile ya fumana ho tswa ho Mohlanka wa Lesedi wa khampani ka nngwe ka ho fapana ya kgethilweng ho latela dintlha tsa karolo ya 246 ya TAA, 2011 le ya jarang boikarabelo bakeng sa diketso tsohle le merero ya khampani ho tse mabapi le lekgetho.

Ka lebaka la seo, SARS e batla ho fana ka tlhakisetso mabapi le tse latelang:

Ho latela dintlha tsa karolo ya 40 ya TAA, SARS e ka kgethela motho hore ho etswe hlahlobo, nnetefatso, kapa ho itshetlehilwe hodima mabaka afe kapa afe a amehang a mabapi le taolo e nepahetseng ya molao wa lekgetho, ho akareditswe le boikgethelo bo iketsahallang feela kapa tsela e elang hloko tse ka bakang kotsi. Balefalekgetho ba fokisetswa boikobelo, mekutu e itshetlehileng hodima mefuta e tshopodi ya ho kgethwa ha dinyewe e sibollotsweng ke SARS e hlahang ho data e teng ho tswa ditsebahatsong tsa molao tsa balefalekgetho, data ho tswa mekgeng ya boraro mmoho le ho tswa mehloding e meng. SARS e phethahatsa mekutu ena ya boikobelo ka kelehloko e kgolo le boikemelo. Ho itshetlehilwe hodima mokgwa ona, balefalekgetho ba amehang ka dilemo tsa ho feta ba kgethetswe oditi ke SARS le pele ho ka qala diphatlatso tsa ditaba tse mabapi le dikhampani mme sena haesale se ntse se tswela pele ho tloha mohla monene.

Ka thuso ya basebetsi ba yona le baeletsi, balefalekgetho haesale ba sebedisana ka botlalo le SARS ka nako ena ya dioditi mme ha ho soka ho ba le ho itshunyatshunya kapa manganga ho tswa ho balefalekgetho, basebetsi ba bona, kapa mokga ofe kapa ofe o mong.

Khomishenara ya SARS, Edward Kieswetter, o tiisa sena: ***“Ha ho nako efe kapa efe eo Mopresidente Ramaphosa a kileng a ikopanya le nna, kapa motho ofe kapa ofe ya kileng a tla ho nna a mo emetse, ka kopo efe kapa efe e mabapi le ditaba tsa hae le/kapa ditheo tsa kgwebo tse amehang mona.”***

Khomishenara o tswetse pele ka hore: ***“Ka ho nka mehato ena e sa tlwaelehang ya ho tsebahatsa maemo a tsa lekgetho a Mopresidente, ka tumello ya hae e ngotsweng, SARS le yona e kgothaletsa bahlanka ba tsebahalang ba diofisng tsa sepolotiki mmoho le baetapele ba setjhaba hore le bona ba nke mohato ona ka boithaopo jwalo ka sesupo sa boikitlaetso ba bona ho tse mabapi le ponaletso. Sena se tla thusa haholo ho tlisa tshepo hodima ditheo tsa naha ya rona.”***

Ho fihlela jwale, ho phethetswe dioditi ntle le ho fumana eng kapa eng e mpe e mabapi le lekgetho. SARS e batla ho tiisa hore balefalekgetho bana ba feela ba ikobela boitlamo ba bona ba tefo ya lekgetho ho fihlela jwale.

SARS haesale e netefaletsa setjhaba, hore re sebetsa ditaba ntle le tshabo, leeme kapa ka tsela e inkelang diqeto mme re tla tswela pele ho etsa jwalo ho molefalekgetho le mohwebi ofe kapa ofe ho sa natswe maemo a bona kapa ditulo tsa bona setjhabeng. Ka ho tshwara molefalekgethoe mong le e mong ka tsela ya sephiri ho ya ka molao, maemo ana a botshepehi ba seprofeshenale, a kekeng a suptjwa ka monwana, ke a bohlokwa hore setjhaba le sona se be le tshepo ho SARS. Re tla dula re tsitlallela ho hlompha metheo ena mme re ka se ka se kgethe nku ka pere.

Dipatlisiso tse ding: SARSmedia@sars.gov.za